



ԵՐԿՈՒԾԱԲԹԻ, 22 ՆՈՅԵՄԵՐ, 2021

ՏԵՐՈՒՆԱԿԱՆ ԱՊՈԹՔ

(միասնաբար արտասանուած)

Իմաստութիւն Հօր Յիսուս, տուր ինձ իմաստութիւն վբարիս խորհել եւ խօսել եւ գործել առաջի քո յամենայն ժամ. ի չար խորհրդոց, ի բանից եւ ի գործոց փրկեալ վիս. եւ ողորմեա քո արարածոց եւ ինձ բազմամեղիս: Ամէն:

ՍԱՂՄՈՍ 119

ՀՆԱԶԱՆԴՈՒԹԻՒՆ ԱՍՏՈՒԾՈՅ ՕՐԷՆՔԻՆ

Երիտասարդ մը ինչո՞վ կրնայ ինքզինք մաքուր պահել, եթէ ոչ՝ քու խօսքերդ գործադրելով:
Ամբողջ սրտով կ'ուզեմ քեզի հնազանդիլ.
մի՛ ձգեր որ պատուէրներէդ խոսորիմ:
Խօսքդ սրտիս մէջ պահեցի,
որպէսզի չըլլայ որ քեզի դէմ մեղանչեմ:
Օրհնեալ ես դուն, Տէ՛ր,
սորվեցուր ինձի քու կանոններդ:
Շրթունքներս անդադար պիտի կրկնեն
բերնէդ դուրս եկած ամէն մէկ վճիռ:
Հաճոյք կ'առնեմ պատուիրաններդ կատարելէն,
բոլոր տեսակի հարստութիւններէն աւելի:
Հրահանգներդ են մտածումիս առանցքը,
ուսուցումներդ՝ ուշադրութեանս առարկան:
Կանոններդ են ինձի հաճոյք տուողը,
եւ խօսքերդ բնաւ պիտի չմոռնամ:

ՆԱՐԱԿԱՆ- ԱՊՈԹՔ

*Տէր ողորմեա, Տէր ողորմեա, Տէր ողորմեա, Տէր ողորմեա:
Ամենասուրբ Երրորդութիւն, սուր աշխարհիս խաղաղութիւն:
Եւ Հիւանդաց բժշկութիւն, ննջեցելոց արքայութիւն:
Արի Աստուած Հարցն մերոց, որ ապաւէն ես նեղելոց:
Տէր ողորմեա, Տէր ողորմեա, Յիսուս Փրկիչ մեզ ողորմեա:*

*Պահապան ամենայնի Զրիստոս,
աջ քո հովանի լիցի ի վերայ իմ ի տուէ եւ ի գիշերի,
ի նստիլ ի փան, ի զնայ ի ճանապարհ,
ի ննջել եւ ի յառնել, զի մի երբեք սասանեցայց.
եւ ողորմեա՛ քո արարածոց եւ ինձ բազմամեղիս:*

ՕՐՈՒԲԱՆ ՆԻԺԹԸ



ԱՌԱԿԱՑ 20 ԳԼՈՒԽ

ԻՍՎԱՏՈՒԹԻՒՆ ԵՒ ԲԹԱՄՏՈՒԹԻՒՆ 20:1-13

Ինչպես ասկե առաջ ակնարկուեցաւ, թէ Առակաց գիրքը, յիշեցումի կարգով, մեզի կը փոխանցէ այն անհրաժեշտ փոփոխութիւնները, որպէսզի մարդ արարածը անով սորվի ինչպէս ապրիլ այս երկրաւոր կեանքը այնպիսի ձեւով մը, որ ըստ այնմ ժառանգորդ դառնայ յաւիտենական կեանքին: Որովհետեւ երբ կը ծնինք, խորքին մէջ ապրելու ձեւն ու եղանակը չենք գիտեր: Առարկաները օգտագործելու եղանակը չենք գիտեր: Այնպէս ինչպէս առարկայ մը երբ կը գնենք, այդ փոփոխ մէջ նաեւ կայ բացառական գործընկեր մը որ կը սորվեցնէ ինչպէս կազմել եւ ինչպէս օգտագործել: Նոյնպէս ալ այս կեանք կոչուածը, երբ կը ծնինք կը փրոփի այն գործընկեր, որ կը կոչուի Աստուածաշունչ, որպէսզի անով կարենանք այս կեանքը ըստ այնմ ապրելու: Ահա Առակաց գիրքն ալ մէկ բաժինն է Աստուածաշունչէն: Այսօր հասած ենք 20րդ գլուխ, ուր կը սկսի գինի մասին խօսելով, կըսէ. «Գինին ծաղրող է ու ցքին՝ կռուազան»: Զգուշացում է գինին եւ ընդհանրապէս խմիչքէն: Յաճախ մենք զմեզ կուզենք արդարացնել ըսելով Յիսուս ալ գինի խմեց: Պօղոս Առաքեալ ալ կը խօսի գինի գործածելու մասին: Այո, ճիշդ է, բայց չմոռնանք իւրաքանչիւրին շրջագիծը որուն մէջ ըսուած է փոփոխ խօսքը: Քրիստոսի պարագային գինին օգտագործումը որպէս Զարկուան փոփոխ հետ կապուած, ուր այս անգամ այդ գինին փոխարինեց իր իսկ արիւնովը: Պօղոս Առաքեալ պարագային երբ իր աշակերտին կը գրէր ըսելով. «Քիչ մը գինին օգտակար է առողջութեանը համար»: Այսպէս ներկայացուած: Եւ զգուժարարութիւնը անոր շարժութեան մէջ: Այնքան կը խմենք, գինովութեան աստիճան, որ այդ վիճակը մեզ կը դնէ ծաղրողի եւ կռուելու կացութեան մէջ: Յաճախ երբ չափն ու կշիռը չենք գիտեր այդ մեր խմածին, ուրեմն նախընտրելի է հեռու մնալ անկէ: Այո, ճիշդ է կըսուի քիչ մը գինին հոգին կը զուստացնէ, բայց անոր շարժումը ալ վնասակար է իր բոլոր երեսներով, առողջապահական, մարմնի եւ նկարագրի: Յիշենք ուրեմն, Պօղոս Առաքեալի խօսքը. «Ինչ բանի որ ծառայենք, անոր ծառայելը կը ըլլանք»: Հետեւաբար, «Ով որ ասոնց անձնապարտ ըլլայ, իմաստուն ըլլայ»:

2րդ համարը կրկնութիւն է այն նոյն խօսքին որ փեւսանք 19:12 մէջ: 3րդ համարը կը յիշեցնէ կռիւն հեռու մնալու, որովհետեւ յիմարութիւն է, ու յիմարն է որ կռուաւոր է, այլապէս կռիւն երբեք ալ լուծում չէ ու իմաստութիւն չէ: 4րդ համարը դարձեալ յիշեցում է ծուլութեան մասին, երբ ծոյլ անձը պարճառաբանելով ձմեռը, ձմռան եղանակը, որպէսզի չաշխատի, մինչ հունձքի ժամանակ պիտի դառնան մուրացկան եւ բան պիտի չունենայ ուրեւելու:

5րդ համարը կը յիշեցնէ եւ կը նմանցնէ «Մարդու մը սրտին խորհուրդները խորունկ ջուրերուն», որ սակայն զանոնք դուրս պէտք է բերել, այնպէս ինչպէս խորունկ ջրերէն դուրս կը բերեն ջուրը: 6րդ համարը մէկ այլ չափանիշ մըն է, ինչ որ փարբեր է այս աշխարհի չափանիշէն, կըսէ. «Մարդոցմէ շարքերը իրենց բարեարարութիւնը կը հրապարակեն, բայց հաւաքարիմ մարդը ո՛վ կրնայ գտնել»: Այսինքն, ո՛վ է այն հաւաքարիմ մարդը, որպէսզի կարենանք ցոյց տալ: Ահա թէ ինչպէս կը ներկայացնէ մեզի Աստուածաշունչը Յոբի մասին, ըսելով. «Յոբ անունով մարդ մը կար, կարարեալ, արդար եւ աստուածավախ ու չարութենէ եր քաշուող»: 7րդ համարը գեղեցիկ արտայայտութիւն մըն է, որ արդիւնքը գալիք սերունդներն են որ կը վայելեն, մանաւանդ երբ այդ գալիքները անոր հետքերով կընթանան: «Իր անարարութեան մէջ քալողը արդար է, ուստի անոր որդիները իր ետեւէն երջանիկ պիտի ըլլան»:

8րդ համարը. «Դարաստանի այծուղը նստող թագաւորը իր աչքերովը ամէն չարիք կը ցրուէ»: Երբ մանաւանդ այդ թագաւորը արդարութեամբ կուզէ իշխել այն երկիրը, որուն թագաւորն է: Ահա այս համարին որպէս շարունակութիւն, երբ թագաւորը իր դարաստանի այծուղին նստի, «Ո՛վ կրնայ ըսել թէ իմ սիրտս սրբեցի, իմ մեղքես մաքրուեցայ» 9րդ համար: Ոչ ոք: Որովհետեւ միայն իրմով կրնանք մենք մեր արդարութիւն գտնել, միայն իր թանկագին արիւնով է որ մեր մեղքերը կը սրբուին, այլապէս չկայ ոչ իսկ մէկը պիտի ըսէ Աստուածաշունչը, որ արդարանայ Աստուծոյ դիմաց: Բայց միայն Աստուծոյ ողորմութիւնն ու գթութիւնը մեզ կը արբէ ամէն մեղքէն ու անօրէնութենէ:

10րդ համարը կը զգուշացնէ, թէ «Երկու փեւսակ կշիռքի քար, երկու փեւսակ ձափ, հասարակէ Աստուծոյ աչքին պիղծ են»: Երկու փեւսակ կշիռքի քար, մէկը գնելու, իսկ միւսը վաճառելու, ծախելու, երբ այդ քարերը կ'օգտագործուին խարդախութեամբ, Աստուծոյ աչքին պիղծ են, եւ եթէ պիղծ են, կը նշանակէ Աստուծոյ օրհնութիւնը չեն վայելեր: 11րդ համարը յստակ բացատրութիւն մըն է, այնպէս ինչպէս կըսեն, «Ծառը իր պտուղէն կը ճանչցուի» նոյնպէս ալ անձի մը վարքին մաքրութիւնն ու ուղղութիւնը անոր գործերէն կը հասկցուին: 12րդ համարը նմանութիւնն է Մաղմուտարիին, «Լսող ականջն ու փեւսող աչքը, Տէրը սրբեղծեր է»: Այս բացատրութիւնը պարզապէս ըսել է, որ անոնց արարիչ ոչ միայն ինք սրբեղծեր է, այլ նաեւ Ինք կը փեւսէ ու Ինք կը լսէ: Երկրորդ այդ փրոսածը օգտագործելու Իր կամքին համաձայն: 13րդ համարը դարձեալ ծուլութեան դէմ մէկ արտայայտութիւն մըն է. «Քունը մի սիրեր, որպէսզի չաղքաբանաս: Աչքերդ բաց, որպէսզի հացով կշտանաս»: Սիրելիներ, քնանալը յարուստ է մեր բնութեան, պէտք է որ քնանանք երբ մանաւանդ յոգնած ենք: Բայց այսպէս քնանալու դէմ արտայայտութիւնը ծուլութեան հետ կապուած, երբ առաւօտ պէտք է արթնալ աշխատանքի երթալու, դպրոց երթալու, բայց երբ կը քնանանք, չենք ուզեր արթննալ, ապա ով պէտք է երթայ աշխատանքի կամ դպրոց: Այլապէս այդ վիճակը կը փանի աղքատութեան: Իսկ եթէ աչքերդ բանաս, այսինքն արթննաս, ահա այն արեւն հացով կը կշտանաս: